

Magaly Brito:

Tin percepcionnan robez tin rond di Dialogo Social

ORANJESTAD (AAN) — Secretario General di SEPPA, señora Magaly Brito, a splica den entrevista cu Matutino DIARIO, cu tin un percepcion robes eyfo, unda algun hende ta kere cu tur loke ta sosode den Dialogo Social, ta loke mester tene cuenta cune den Parlamento pa dicidi riba dje.


Sra. Brito a subraya cu e organizacionnan cu ta forma parti di Dialogo Social ta respeta cu e parlamentarionan ta esnan cu realmente a wordo elegi pa representa pueblo

den e instancia Parlamento y ta nan ta trece ley, of cambio nan den ley, riba mesa.

Locual gobierno ta haci ta cu prome cu pasa un ley of cambio den ley den Parlamento, ta discuti esaki cu esnan cu lo por aporta na e discusionnan y na final, si den Parlamento ta resulta cu nan ta mire diferente, Dialogo Social tin cu respeta esaki.

Di otro banda, tin gruponan cu ta bisa cu e gremionan tey den Dialogo Social pero cu nan no tin voz. Sra. Magaly Brito a subraya cu e tin cu

desmenti e tipo di ponencionnan asina. “SEPPA a participa e ultimo añanan den Dialogo Social y esnan cu tin un ponencia asina ta pasobra nan no ta aden y si nan ta aden por ta no tin e puntonan suficiente argumenta, di cual ta sali na final cu e sentimentonan di no a haya loke nan tabata kier”, sra. Brito a subraya. El a agrega cu for di comienzo a ser bisa cu den Dialogo, importante ta cu e persona tin un posicion y argumenta e pakico di esaki, y asina e por contraresta riba

LONG LIFE**Fura Bo Matras****1 persona Afl.95,-****2 persona Afl.120,-****Tel: 588-0846 • 745-9154**

local ta bin dilanti.

Pero si e persona mes ta participa ta laga pasa bay of no ta keda completamente den e discusionnan cu ta sumamente largo, cosnan asina por sosode.

En todo caso SEPPA ta bin prepara cu nan posicion y documentonan, argumenta por escrito y esey ta loke na final nan ta defende. Hopi biaha nan ta mira parti di nan discusion den e resultadonan

final di Dialogo.

“Dialogo Social no ta pa un partido sali gana. Ta na final nos por yega un poco na otro, y cu nan tur por carga e decision. E situacion ideal ta pa yega na un consenso pero nunca por logra esaki. Semper tin diferencianan di opinion cu di tur banda mester respeta, pero na final nan tin cu tuma decisionnan y sigui nan” sra. Magaly Brito a señalá.

Magaly Brito SG di SEPPA:

Discusionnan den dialogo social mester bay den un forma ainda mas amplio

ORANJESTAD (AAN) — Den entrevista cu e Secretario General di SEPPA, señora Magaly Brito, el a menciona cu gobierno tin diferente obligacion, entre otro cu e infraestructura di nos pais.

Den esaki ta importante pa wak cual ta e rol di nos comunidad, kico nos hendenan kier, si ta mas cas pa nos ancianonan of haci nos grandinan mas activo den nos comunidad, y cualkier tipo di estructura cu ta permiti esaki realmente.

Magaly Brito a señalá cu mester hiba e discusion den e direccion aki, na un forma mas amplio, cu solamente bisa cu nos tin un problema “y aki falta diez florin, ban wak di unda nos ta sake”.

Sra. Brito a subraya cu esaki ta un punto cu tabata tin basta atencion di Formador, igualmente cu servicionan publico di calidad, cu ta un obligacion pa brinda esaki na comunidad,

pa nan ta accesible na tur hende, y mester tin trahadornan motiva pa duna e servicio aki. Magaly Brito a subraya cu e empleadonan publico mester wordo reeduca, informa nan mehor y duna nan un mehor preparacion pa nan por brinda un mehor servicio.

El a subraya cu no por kita afo cu tin un cultura reinando den e aparato publico, bao e trahadornan, den e departamentonan y tambe bao di nos gobernantenan y politiconan. Den tur esaki mester trece cambio, si kier trece eficiencia, productividad y si kier papia di trahadornan cu realmente ta sinti nan mes valora. Tur esaki a wordo menciona durante e encuentro cu Formador, y tambe a referi na nos hobennan cu ta sinti falta di oportunidadnan, di trabanonan atractivo, y esnan cu ta bay studia afo cu ora nan bin back tambe nan mester paga un estudio cu ta basta caro.